

آبونه شرائطی

داخلی ، خارجی هربرایچون
سنه لکی (۲۵۰)، آلتی آیانی
(۱۳۰) غروشددر .

اسخه سی ۵ فروش ،


سنه لکی ۵۲ اسخه در .

اداره خانه

باب عالی جاده سنده دائره مخصوصه
اخطارات .

آبونه بدلی پشیندر

مسئله موافق آثار مع الممونه
قبول اولنور . درج ایدله
یازیر احاده اولوناز



دینی ، فلسفی ، علمی ، ادبی هفته لقی مجموعه اسلامیه در

باش محرر صاحب و مدیر مسئول

اشرف ارباب

والله یهدی من یشاء الی صراط مستقیم محمد عاکف

اخطارات

آدرس تبدیلنده آریجه بش
فروش کوندردلیدر

مکتوبلرک امضاری واضح
واوقوفاقی اولسی و آبونه صره
نومروسی محتوی بولسی لازمدر .

ممالک اجنیه ایچون آبونه
اولا نلرک آدرسلرینک فرانمز
جهده یازلسی رجا اولنور .

باره کوندردلیدی زمان نه به دایر
اولد یغنک واضحاً بیلدیرلسی
رجا اولنور .

اتبعون اهدکم سبیل الرشاد

چیساره مزلر . واهل وافرانی طرفندن وکالی آانسیر ایکن نه قدر اولسه اجانبندن اولمغه امام و حال و مشواری بیلمدکاری مأمور افندی بی ده بولوندر مق ایسته مزلر . برمتاد اخبارلری اوزرینه عقد اجرا اولنور .

مأمور افندی بوکاموافت ایتمیوبده « قیزی کوره جکم ، یوزنی آچسون ، کی تکلیف لرده اصرار ایده جک اولورسه مشکلاتی داعی اولور . واهلیمزک بر قسمی خوش کوروب تحمل ایتمه لوده بر چوق برلده ادب سزلکه حمل اولونه رق بر طاقم حالات نامرضیه به باعث اولور .

قضا مأمورلرندن ، محکمه و نفوس کاتیلرندن وظیفه قانونیه سنی حرفیا اجرا ایتمک ایستین ، مسلککنده بو قدر تعصب کوسترلری بولونمز دکل . لکن اکثریه ، یاخود بر چوقلری ده اموری ایستاسندن مقادیریه تقدیر ایده ، مشکلات چیقارمق ، شکایات و منازعاته سببیت و بر مکدن ایسه حسب الایجاب ایشی بتریمکی ، ارباب مصلحتک حاجتلری روا قیلوب امر نظامی برینی بولدی دیهرک کندیلری ده معطیاً عودت ایتمه یی بیلیرلر .

قضا مرکزندن با اذنامه کوندر یله جک مأمورلرک تنظیم و تسجیل ایده جکلری عقدنامه لر بو مثللو تساهل آئارندن ، شبهه تصنیع و خطادن دائماً ، یاخود اکثریا سالم اولور دیمک تساهلدن ، خطادن سالم نکلدلر .

عقدنامه انقبایان اولوندینی اوزره انجق شاهدلرک حادثه یی تحظر ایتملرینه خادم اولدینی ایچون تنظیم اولنور . امام افندیلرک یانده بیلدکلری کفایت ایدر . فقهله سنه حاجت بو قدر . بویه اذنامه لره ، عقدنامه لره ربط اولونان و جبران و اودا طوبیلا نوب برمتاد بر جمعیت ایچنده عقد اولونه کلن نکاحلرده اختلاف ظهور ایتمز و بیکده برواقع اولسه ده حاضر و نکاح شهادت لریله بر هیچ شرعی حل و فصل اولنور . باخصوص نکاح حقنده شهرت و تسماع اوزرینه ده شهادت جائز و مقبولدر . اثبات مدعی او عقدنامه لره محتاج اولماز . اولرک توثیق و تسجیلنه جالبش مق عبث اولور .

محکمه ، یاخود لاله اذنامه آلمق سزین ایکی اوج شاهد حضور یله ابتداء ، یاخود تجدیداً و شفاهاً اجرا اولونان نکاح دعوالرنده آنلرک شهادتلری استماع و عدالتلری ظاهر بولوندینی مسورتده . موجبه نتیجه حکم اولونمسی ده فرائض دینییه مزدن در . طوتوله جق اولان مناکحات سجلاقی اثباتاً ، یاخود نفیاً هیچ فائده شرعیه تأمین ایده مز . بوماده مک تشریع و تأیید اولونمسی بیهوده اهلیمزک اضرائی موجب اولور .

بزم ایچون ارفق واصلح اولان شرعاً محتاج الیه اولیمان اذنامه اصولنک قالدیراسی و هیچ اولمازسه طلاق بایندن صکره تجدید عقد ایدنلرک بومکلفیتدن عفو اولونمسی و ابتداء نکاح اولونه جقلر ایچون

ویر یله جک اذنامه لرک ده کماکان ائمه یه کوندر یلمسیدر . مأمور مخصوص ارسالی محاذیر کثیره یی مستوجب اوله جق . و مرکز قضا ده اولیه هر نکاح اجرا اولونه جق محله و قریه لره طاغیدیه جق قدر کاتبه بولونماز .

باخصوص بر چوق برلده عقدلرک ده موسم مخصوصی وارکی در . باشلوجه حصاد زمانندن صوکره قیسه قارشو هر هفته بر چوق نکاحلر معاً و متعاقباً اجرا اولنور .

وهر نه زمان اولسه مأمورلرک خرج و مصرفلری اوله جق . دوکون یایه یه قیام ایدن زواللی کوبلی اوکا و اونکله برابر قومشولرینه بر خیافت و بر مسنده اولما به جق .

اذنامه خرجی ، مأمورک یومیه یی ، مصارف ضروریه سی یوزندن اوسنه نک ویرکوسی تضاعف ایده جکی مثلاً کندیسی آزه جک اولان دوکون مصرفی ده ایکی قاتی بوله جق .

سبق ایدن اعلان ، اعتراض و طعنه اوغرامش ، وکیللره ، محامیلره محتاج اولمش ، حکومت قاپولرنده سورونوب خلاف مشروع یاره ویرمه مجبور ایدلش ایسه اوده باشقه .

ملکتمزده فقر و ضرورتلرک نه قانار توسع ایتمش اولدینی ده میدانده . حقوق عائله قرارنامه سنک روحنی تشکیل ایدن بو بوکی ماده لرایله مکلف طوتوله به اهلیمزک طاقتلری یوقدر . یازیق اولور .

صدرالدین

جمعیتک دینی تمملری

۱

اک اوزاق زمانلردن بری ، دین روابط اجتماعیته تشکیل و انکشافنده اک مهم عامل اولمشدر . حیات اجتماعیته ایضاح ایچون اعتقادات دینیته نک فوق الماده بر اهمیتله ندقیقی اقتضا ایله . اعتقادات دینیته هیئت اجتماعیته اوزرنده اک قوتلی تأثیری حائزدر . چونکه ، بشرک میل تدینی مکتوبات فکر یه سیله تمویده کلش ، معلوم ویا مجهولمز اولان ادیانک اظهار و تعاقب متدایسی اقوامک حالت فکر یه لرندن تحصیل ایلمشدر . انسانلرک دین و مفکوره لری آره سننده بر مناسبت دافه حکم سورمش اولدینی تاریخ بشر اثبات اییدیور . اوقدرکه شمدی به قادر ظهور ایتمش اولان دیانتلری بیلمش اولسه ق ، نوهیمزک صورت تکاملی مبدأندن زمانمزه قدر خطوه بخطوه تعقیب ایده بیلیردک . [۱]

هیئت اجتماعیته خط حرکتی اعتقاداتک زیر نفوذنده اولدینی

ایتمک ضرورتی قارشی لایق بولمقدرد. حالبوکه آنجق بویه برتدقیقک
نتایجی طوهری راستدلایه اساس اوله بیلیر. عینی زمانده بومفکرلر اعتقادات
دینییه قارشی نفرین حتی عداوت ایله همز بولنیورلر [۵].

واقعا برطاقم الهیایحی انتفاعیلرک بولندی حقیقیدر. فقط بونلرک
انتفاعیلینی قبول ایستدکاری دینک مبادیسیله غیر متوافقدر. انتفاعیلرک
قبول ایستدکاری فلسفه اولنری دینی ترک ایتمه مجبورایدیور. چونکه
تجربه واعتیاددن ماعدا اخلاقه بر اساس بوله میور و بناء علیه اخلاق
دینییه اینانیورلر. بوقطه نظر. کوره جمعیتده عنصر دینی تک قبول
ویاعدم قبولی اول بأول علم النفسک جواب ویرمچی بر مسئله اولیور.
حالبوکه بونلر احکام دینییه استحسن و قبول ایدن قوای عقلیه تک
اعمالنده برشی بولمقدلری اعتراف ایدرک دیندن ماعدا دیگر شیلرله
حیات اجتماعی اینصاحی دوشونمشلردر.

علوم طبیعی اسانیدی ایسه یوقاریده بیان ایستدیکمزدن بام بشقه
بر صورتده دینی رد ایدیورلر. تدقیق ایستدکاری شیلرده
دینک بر تجلیسنی کورمیورلر. اولنرجه، شئون عقلیه و اخلاقیه بر
چوق تغییرات طبیعی سلسله سنک اکسوک محسولیدر. شئون اجتماعی
ایضاح ایچون تدقیق اولنه جق اکسوک شی، دیندر، ایشته بوقطه
نظری قبول ایدنلر، که بتون تکاملجیلر قبول ایتمشدر، ساده دین
ایله دکل علوم عقلیه ایله ده نزاعه دوشیورلر. چونکه تجربیات [۶]
و اتمیات [۷] یاقق قابلی هیج بر نظریه طبیعی ایله شیمیدی به قدر
ایضاح اولمیدیغندن انسان بواوصاف عقلیه سیله برابرهنوز حل ایدلماش
بر مسئله تشکیل ایدیور. بوندن ماعدا انسان بر مخلوق دینی اولق
اعتباریله ذات باری، دنیا و عبقا حقنده اک متعالی مفاهیمک ایضاحنه

سعی و غیرت ایتکدهدر، علوم طبیعی اسانیدی ایسه ماهیت السانیته
منابع دینییه منی نظر اعتباره آلمقده عاجز بولنیورلر. ایشته بونجیز، دینی
انکاره منجر اولیور. و بوقدیر کوره اعتقادات دینییه برطاقم باطلیل؛
دین، علمک ترقی ششمه داری قارشیمنده محکوم اندراس برافسانه
عبارت اولیورا آشکاردرکه دین بو درجه سهولته بیقلماز، موجودیتی
انکار ایدیورمکه، حقیقتی اکلامقده اظهار عجز ایله اورقندن
قالتماز.

شئون دینییه نظر اعتباره آلیان متفکرلرک نقطه نظری تدقیق
ایتمک فائده سی درکاردر. مقصدمن روابط اجتماعییه زندگیسنی
وبتون صفات کاشفه همومیه سنی بخش ایلان شیئی تحقیق اولدیغندن
اونلرک کوزیله ده سیای جمعی کورمک بروظیفه در. عینی زمانده اونلرک

[۵] (The Science of Politics) نام اردن

[۶] تجرید: نفسک برحاک شموریه یی آریجه ملاحظه اتمک ایچون آن
مربوط اولدی بی حالات سائرده افراد ایچسته مدار اولان فعلی ذهنیدر.

(۷) نهم: بر جوق حالات شموریه زمره لر بی عناصر مشترکه ذاتیه لر
حقیقه برصورت مستحضرة ذهنیه حالنده جم ایتکدن عبارت اولان فعلی ذهنیدر.

کبی اعتقادات افرادک افغانه سجه، استقامت وزندگی بخش ایلر.
انسان اخلاقی و روحی بر موجودیتدر. یالکیز مادیات ایله قناعت
ایتمز. اصنامه سجده ایدن بت پرستاندن نامعلوم. عبادت ایدن
«لادری» لره قدرهر انسانک ایچنده اوشی واردرکه اونی بر ذات اقدس
واکله اقیاده، اطاعت، عبادته دعوت ایلر. بناء علیه حیات اجتماعییه
ایضاح صدندده ایکن دینی اهرمال اتمک بویه برکشی عقیق بیراقندن
بشقه برشیته یاراماز.

مع مانیه مذاهب فلسفیه دن بریسنک معروف طرفدارانیله
علوم طبیعی اسانیدندن بر جونی دینی اعتباردن دوشورمکه تشبیه
ایتمشدر. هرایکی طرفک ممتاز و معروف محررلری دین ایله مجادله
ایدرک اونی مصم و باطل برافسانه اوله رق تلقی ایستدکارندن اول
یاول بونلرک سرد ایستدکاری دعوانک نهیه اسناد ایستدیکنی نظر دفته
آلمق اقتضا ایلر.

اک واسع مقیاسده دینی ترک ایدن مذهب فلسفی «انتفاعیه»
مذهبیدر. بو مذهبک طرفدارانی آره سنده (به نام) [۲]
(زون استورات مبل) [۳]، (اوستهن) [۴] کبی
عظما ایله ده باشقه مشهور محررلر بولنیور که شهردون آموس.
نظر آره بونلرک اکثریسنده حقیقت علمیه یی بسیط و آسوده
بر تجریدن فضله سرت و عکس العملی بر روح ملاحظه
اولمقدرد. و بوندن طولانی بوزمره متفکره تحقیقات تاریخیه کلفتته تحمل

[۲] ۱۷۴۸ سنه میلادی سنده تولد ایتش ۱۸۳۲ سنه سنده وفات
ایتمشدر.

اک مشهور اثرلری ۱۷۷۶ ده نشر ایستدیک *afagmenton gou*
verment اثریه *commentaries* ۱۸۷۱ سنه سنده انتشار ایدن
intraduction the principles اثریدر.

[۳] ۱۸۰۶ سنه میلادی سنده لوندردده تولد ایتش ۱۸۷۳ سنه سنده
وفات ایتمشدر. اون درت یاشنده یونان ولایتین لسانلری اوکره نمش وریا.
صنایت ایله توکل ایستدیک حالده منطق و اقتصاد سیاسی ایله ده اوغراشمشدر.
(۱۸۲۰) سنه سنده فرانسیه عزیمت ایدرک اقتصاد سیاسی استادی
(سوم) ایله ده طایفشمشدر.

۱۸۲۳ ده هندستان اداره سنه داخل اوله رق ۱۸۵۸ ده انکلیز حکومتک
شرقی هندستان قومیا به سندن اسر اداره یی آنجه خدمتدن چکلمشدر.
۱۸۶۴ دن اعتبار آجموهله مقاله لزمنه باشلامشدی. بوش و قنلری
اوتوبیوگرافی نام اثری یازمنه حصر ایدیوردی. بو اثر ۱۸۷۳ ده
وفاتندن صکره انتشار ایتدی.

۱۸۴۲ سنه سنده (منطق) ۱۸۴۸ ده (اقتصاد سیاسی تک مبادیسی،
۱۸۵۹ ده (حریت)، ۱۸۶۱ ده (انتفاعیه)

۱۸۶۵ ده (حامیلونک فلسفه منی تدقیق) نام اثرلری انتشار ایتمشدر.
اک مهم اثری اولان (دین حقنده تجارب قلبیه) نام اثری وفاتندن برسنه صکره
انتشار ایتمشدر.

[۴] ۱۷۹۰ ده تولد ۱۸۵۹ ده وفات ایتمشدر.

فکر لرئی تنقید ایدرک جمعیتک شأن دیندن آیری اوله رق ایضاح اولوب اولنه میه جغنی بیان ایده جگز .

شایان ملاحظه در که دین حقننده بودرجه شدید جهلرده بولنان علماء طبعیون یعنی مشاهده اوزرینه مؤسس علوم ایله متوغل رجالدرد . لورد که لومن (Lord Kelvin) ، پروفیسور استوکس (Professor Stokes) کی یک بیوک حکمتشناسلرله ریاضیات کی صرف علمله اشتغال ایدن دیگر ذوات حقایق دینی به عاید مسائل حقننده یک قادر اوله رق قطعی فکر لر در میان ایتشلدرد . دین حقننده قطعی فکر لر در میان ایدنلر اولمدر که تقبلر نده دوام ایده بیللمک حتی کندی دائرة تخصصلر نده بیلله ، دائما فرضیه لر یا عینه مجبور ددرلر . ایشته اغلب احتمال ، بو اعتیادک سوبله بولنلر بر طاقم دلایلر دعوالر سر دیلله کافه شئون دیندن آیری اوله رق ایضاح کنندیلر نده استمداد کور بیورلر . [هکسلی Huxley] ایله [اسپنسر Spencer] (۸) ودها بشقه ذوات بو مذهب علمی نک ایلری کیدن استایندندر . بولنلر اسرار طبیعتی استکنانه ایله اکتفا ایتیمه رک ساحه معنویاته کیرمه که ، اولنک ده بتون شئون ، عالم مادی حقننده استعمال ایتدکلری مبادی و فرضیات استخدما ایده رک ایضاحه سبی ایدرلر . بویله بر تشبک موفقیتلر ایلکله نهایتلر اوله جغنی یک طبیعیدر . چونکه هر ایکی ساحه تتبع آیریدر . پروفیسور [دره وند Drummond] ک [عالم روحیده قوانین طبیعیه Natural Laws in the spiritual worle] نام اثر نده ادما ایتدیکی وجهله بلکه هر ایکی ساحه قوانین متمایلدر . فقط عینی دکلدر . بناء علیه هر برینک آیری آیری محتویاتی بر دن ایضاحه قانقشمق بر جوق مسائل شافی بر حله اقتران ایتدیرمه دن بر افتقده در . وعلوم حکمیه و یاخسود علوم عقلیه تحصیل ایله بولنلرک بر یسندده تخصص ایچون تقدینه عمری صرف ایدن بر ذاتک کندی دائرة تخصصنک خارجنده اولان بر مسئله حقننده حکم و بر مکه لایق اولوب اولدینی جدا جای سؤالدر .

کندی دائرة تخصصنده بر عالم صلاحیتله سوز سولر . علوم عقلیه و اخلاقه فلاسفه سی ایچون حال بویله . . . فقط علوم طبیعیه متخصصلری ایچون بویله بر حد معقول آشیله میه حق بر مالیه تشکیل ایتیور . اولنل الهزنده کی آلات و ادوات ایله ساحه معنویاته داخل اوله رق شئون عقلیه و معنویه نک کافه سنی ایضاحه جابالایورلر . زمانعزده هر کون مشاهده اولنان حرکاتدن بری ده بودر . (هکسلی) [۹]

[۸] سپنسر ۱۸۲۰ سنه سننده تولد و ۱۹۰۳ سنه سننده وفات ایتشدرد .

۱۸۴۸ سنه سننده Economist غزه سنک هر دلکنه باشلامش و ۱۸۵۳ سنه سنه قدر بو وظیفه یی ایفا ایتشدرد . (۱۸۵۰) سنه سننده Social Statics = اجتماعی ایستاتستیک (۱۸۵۵ ده « علم النفس مبادی » = Principles of psychology ۱۸۶۲ ده مبادی اول = First principles of psychology ۱۸۶۴ ده احیاتیات مبادی = Principles of Biology ۱۸۷۶ ده اجتماعیات مبادی = Principles of Sociology ۱۸۹۲ ده اخلاقه مبادی = Principles of Ethics ۱۹۰۰ ده « تربیه Education » نام اثرلر انتشار ایتشدرد .

کی بر ذات مسائل دینی حقننده نام بر الهیاتجی قدر قطعی فکر لر بیان ایتمکدن هیچ چکنمیدور .
ایشته بولنلر بویله . .

استاد حکیممیز فرید یک افندی بوصدده نه قدر مصیب مطالعهلر در میان ایدیورلر . دیورلر که : هر کس هر شیده عجزینی اعتراف ایدرده مسائل دینی کی مباحث عالیه ده قطعیاً عجزینه قائل اولماز . حکیم ذو فنون کسلیلر . مثلاً بر یسندده بر شرقی سوبله ، دیرسکیز ، موسیقی به انتساب یوق دیر . شوساعتی تعمیر ایدیورلر ، دیرسکیز ، ساعتجی دکلر دیمکدن چکنمیز . سوکرده الله واری یوقی ؟ دی به صور سه کز ، سرسز ، بنسز بر جوق شیلر سولر . انسانی صور دیغنه ، صورده جغنه پشیان ایدر . دین خصوصنده جری ، جسور اولانلر ایشته هب بوقیلنددر . [۱]

عمر رضا

مملکتیزده اخلاق مسئله سی

مطبوعاتیز بو کونلر ده مملکتک اخلاقجه انحطاطنندن ، دائرة فحشک توسعندن و سائر مناسبتلر لکزدن زیاده جه فریاد ایتیه باشلادی . لکن بو کارشی چاره بولمه نک وجوبندن بحث ایتدکلری حالده مسئله نک عملی بر چاره حانی بولوب کوسترمیورلر . یاخود یا کلش بوللر کوستره رک مرضه مرض قاتیورلر .

یکی دورک کشادیلر بر ایر کسب اهمیت ایتش بر حادثه اجتماعی ماهیتنده کوردیکمز فساد اخلاق انواعی حقننده جریده من عحاسن اخلاقی تمیه ده اک بویوک مؤثر اولان - دین نقطه نظرندن نشر یانده بولونقندن خالی قالمادی . معارضلر مزده ایجابات عصریه نک مقتضیات دینی به ضروره غالب کله جکی دعواسیله جنم ملنده مهلک یاره لر آچق استمدادنده اولان فناقلری تشجیع ایتش اولمقندن کری طور مادیلر . بنیه اجتماعی مزده حاصل اولمش اون سنه نک تخریباتک ویردیکی تجربه و انتباه نتیجه سی اولسه کرک ، نشر یانده تدنی اخلاق تولید ایدیه جکی مهالک اجتماعیه دن قورونق لزومندن صیغه صیغه بحث ایدیلر به باشلادی . الهه شکر که اخلاقسزلنک فنا اولدینی آرتیق تسلیم ایدیلور . سوء اخلاق و با خصوص فحش و زنا به اجتماعی بر یاره دینیلور . خسته لنگ خسته لنگ اولدینی بر کره تسلیم ایدیلدکن سوکره ایش قولایلاشیر ، چاره سنی بولیه قایلر .

سنه لرحه سورن بر سفردن سوکره آرقیه بر کره جک اولسون دونوب معکوس طرفه طوغرو خبلی یول آلدینمیزک فرقنده اولمقده بر نعمتدر . بزم نظرمز ایسه بومدت ظرفنده هیچ دیکشمه دیکی ،

[۱] دینی فلسفی مصاحبه لر . مؤلفی فرید یک . صفحه ۲۷